




Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 206 4° (LN 974 4° copy 2)




Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 206 4° (LN 974 4° copy 2)




Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 206 4° (LN 974 4° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 206 4° (LN 974 4° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 206 4° (LN 974 4° copy 2)



Early European Books, Copyright © 2009 ProQuest LLC.
Images reproduced by courtesy of the Royal Library, Copenhagen.
Hielmst. 206 4° (LN 974 4° copy 2)

No 206.



W. T. Smith fecit

= LN 974

ex. 2



ORATIO GENETH-
LIACA

DE IESV CHRISTI
PVBLICÆ SALVTIS AVTORIS
NATIVITATE SECVNDVM CARNEM,

*varia tum ex sacrarum literarum libris, tum ex
scriptoribus orthodoxis collecta argumen-
ta continens, exercitii gratiâ con-
scripta, & recitata in Aca-
demiâ Hasniensi,*

à
IOANNE IACOBÆO
RIPENSI,




Origenes:
Terrenum corpus suscepit: vt id alla-
tum in cœlum portaret.

ROSTOCHII.

M. D. XCV.

M. GEORGIO SIMONIS
AD TEMPLVM S. ALBANI ET
PRÆPOSITO, M. BARTHOLINO MATHIÆ
ad templum Divæ virginis, M. IACOBO IACOBI
VOLFIO, Lectori Theologiæ, & Dñ. IOHANNI
NICOLAI SCANO ad templum Diui Iohannis,
verbi Dei ministris fideliss. Otthoniæ Fionûm,
viris optimis ac doctiss. amicis ac fau-
toribus suis perpetuò ho-
norandis S.



Iri optimi, omniq; doctrinarum ge-
nere instructi, qvanqvam multi,
fortasse, de hac eadem materiâ lon-
gè doctiùs, atq; elegantius scriptita-
runt: vnde calumniatores non v-
nam latebram, sed campum am-
plissimum ad sugillandum scriben-
bentium pro ingenioli talento tenuiore opellam habe-
ant: attmen nunqvam factis & exercitiis honestis
defuerunt excusationes laudabiles, qvibus obtrecta-
torum virulentus impetus retunditur. Sat enim fauto-
rum & excusatorum habet, qvi rectitudini & hone-
stati vacat. Parum itaq; Zoilorum obloqvia moror,
dum causæ graves eademq; honestæ me, hanc ora-
tionem privato studio collectam in lucem emittentem,
tuentur. Cogitavi etenim inde non paucos ad æmula-
tionem excitatum iri, & meos parentes, atq; amicos
habitueros qvid in posterum de studiis meis judicent,
atq; sperent. Viri itaq; clarissimi, vestrâ humanitate in
musa-



musarum cultores propensissimâ nixus, hanc orationem, ingenii mei quasi specimen aliquod primitivum, vobis inscribo: vt sit amoris mei erga vos testis perpetuus, atq; honoris vestræ dignitati haud immeritò deferendi testificatio. Iccirco vos atq; alios bonos huic exercitio, foetui immaturo, censores æquos fore minimè defido. Valet. Die visitationis Mariæ, Anno Domini 1595.

V. R.

colens & observans

Ioan. Iacobæus
Ripensis.



A 2

Vene.



Enerabiles ac præstanti litterarum scientiâ conspicui viri, & studiosi doctissimi, quod si excusatione utar, quare hic declamatiunculam habebo, & multi eruditorum omnium calculis, punctisq; doctissimi juvenes, qui et doctrinâ & experientiâ me longè superant, nunc sedent atq; me in tantâ Coronâ hominum doctissimorum balbutientem audiunt: sanè actum agerem. Quod si in hisce conditiones siue causas præsentis negocij perpenderit: propositum meum aliquo modo ex doctissimis & sapientissimis viris laudibus celebrari potest, qui naturâ candidi ac boni sunt, dextrè de aliorum inceptis judicant. Cum itaq; hoc exercitii genus illi imposuerunt, quibus obsequi par est, non potui non eorum monitis parere. Eorundem igitur mandatum, atq; mea ipsius utilitas hoc exercitamenti genus facillimè defendant. Etiam si videor à consuetudine hujus Academiae nonnihil discedere, quæ omnibus declamandi veniâ non concedit, sed saltem iis, quos in communitate Regis liberalitas alit: meum tamen inceptum, huic loco novû visum, ii, qui peregrinati sunt in Academiis benè constitutis, (ut à meis præceptoribus accepi) minimè improbabit. Nisi fuisset hisce alijsq; causis gravissimis motus, aliorum potius vestigia adorassem, in præsentis tempore ac loco, quàm ali quid novi tentassem. Mei iam instituti causis, sanè honestis & licitis, vestræ humanitati expositis, Oro etiam atq;
etiam

etiam vos, ut pro solitâ ac consuetâ facilitate, ea, quæ dis-
citurus sum, benignè suscipere dignemini, & ut æqui cen-
sores esse velitis in hoc meo declamandi tyrocinio. Fate-
or enim meam ingenij imbecillitatem ac ruditatem, tantæ
materiæ pro dignitate tractandæ nullo modo parem esse,
quam è multis aliis, certis de causis, præsentî tempore tra-
ctandam elegi. Prima, ut aliquid de Die Natali Sal-
vatoris Domini nostri IESU Christi dicerem, quod
præsentis temporis vultui hæc indebitum fore arbitrabar,
ut præsens materia confirmari ac stabiliri quæat. Primò,
certa argumenta & testimonia adducimus, Christum na-
tum in mundum esse confirmantia: Deinde quid utili-
tatis inde habemus. Quando juxta meum iudicium hæc
aliquo modo argumentis certis proba vero, orationi meæ
finem sum impositurus. Exopto, ut Deo opt: terq; maxi-
mo acceptum fiat, atq; vos clarissimi viri, studiosi hone-
stissimi, hunc meum conatum boni consulatis: aliàs dabo
operam, ut melius ac doctius proponantur: si mihi succe-
dentia tempora copiam declamandi concesserint. Quan-
tum eqvidem ad primam partem meæ orationis attinet,
testimonia veteris ac novi testamenti considerabimus, quæ
planè ac clarè indicant, Christum esse verum promissum
Silob, hoc est, fortissimum Heroa, atq; totius humani gene-
ris Salvatorem, qui reparaturus est omnia, quæ Adam
in Paradiso suo lapsu deliquit. Primum genus argumen-
torum, quibus quæstio proposita confirmari debet, sunt

figuræ & typi, quos nobis vetus Testamentum multifari-
am suppetit. Hic quoque apud gentiles nonnulla, tanquam
nativitatis Christi prodigiosa signa, facta connumerari
possunt. Primum itaque typum admirandæ nativitatis
Christi, sciamus esse Adami creationem. Quemadmodum
enim Adam creatus erat sine hominis cooperatione: Ita
Christus Dei filius nasci debuit sine virili semine seu com-
mixtione hominis: Nam ejus conceptionem per efficaciam
ac operationem Spiritus Sancti fieri optimè convenit. Mul-
tæ figuræ de Christi adventu in carne in veteri testamento
inveniuntur. Ex iis atque earum circumstantijs clarè vide-
mus, Christum filium Dei omnipotentis, & totius mundi
Salvátorem esse, cui omnia Prophetarum vaticinia, quæ
collimata in ipsum sunt, pulcherrimè conveniunt recens
nato Regi in Bethlehem. Aliam quoque figuram habemus
in Aaronis virgâ, quæ (quamvis lignum aridum) floruit.
Haud quoque dissimilis extitit figura in ardente rubo: qui
quantumvis Moysi visus est ardere: attamen non est con-
sumtus: Ita Iesu Christi nativitas contra omnes, inò su-
pra omnes naturæ conditiones longissimè excedit. Qui etsi
de virgine verus homo nascitur: tamen ejus virginitas
intacta & incorrupta remansit. Hoc autem tempore tur-
bulentissimo magnoperè refert, Christi humanitatem sive
incarnationem pluribus confirmare adversus hæreticos
vafros: quales erant Manichæi & Marcionitæ. Vtriq[ue]
somniaabant, Christum hominem non esse, contra sacram
scri

scripturam: nec putaverunt Christum habere corpus naturale, sed ipsum spectrum seu simulachrum fuisse. Hæreticus Valentinus aliquo modo assentiebatur, Christum verum corpus habere, sed e cælo secum corpus assumisse ait, & omnino nihil ex carne atq; sanguine Mariæ accepisse, sed tantum in vasisse corpus virgineum, cælesti corpore de cælo secum allato. Tales hæreses, quæ Christi humanitatem ore blasphemio negant, facile tribus argumentorum generibus evertuntur & refutantur. Quorum primum testimonia nativitatem Christi præcedentia in veteri testamento, utpote figuras & aperta sacrosanctæ scripturæ dicta, habet: quæ Christi conceptionem et incarnationem iuxta promissiones præcedunt: quæ quamvis multos annos differerantur: tamen irritæ nunquā apud Deum fieri potuerunt. Duabus itaq; de causis nativitatis Christi mysterium multas annorum myriadas expectabatur. Primò, quia magna annorum multitudo apud Deum tanquam hesternæ dies est, imò potius instar ictus oculi. Deinde, ut homines magno animi desiderio expectarent temporis istius plenitudinem, quæ in solius Dei decreto determinata erat, de quâ Apostol. ad Gal. 4. eleganter in hunc modum scribit: Postquam venit plenum tempus, emisit Deus filium suum, factum ex muliere, factum legi subiectum. Et si omnibus mundi temporibus multa mirabilia, imò stupenda facta sunt, quæ humana ratio vix metiri potest: nulla tamen visa vel audita fuerunt talia, quæ hoc nativitatis Christi mysterium erat, quæ
admo

admodum Ecclesia canit : Quis audivit talia, dic rogo, fa-
cta, &c. Primus itaq; typus incarnationis Christi, quem
habet sacra scriptura, est, creatio primi Adami, qui ut sine
patre terreno creatus erat : Ita conveniebat, ut secundus
Adam (ut loquitur Paulus) nasceretur sine virili adju-
torio. Futuræ quoq; pacis signum arcus cælestis nobis
ostendit, quam pacem Christi natiuitas nobis attulit, non
quidem mundanam, sed æternam inter Deum & homi-
nem : Vnde rectè huius pacis autor, Christus nimirum, Pa-
ter æternitatis dicitur apud Prophetam. Figuram quoq;
quæ huc rectè referri potest, habet liber Iosvæ, qui ut di-
vinitatem terram Canaan inter suos fratres : Ita Christus ter-
ram Canaan, id est, cælestem illam hæreditatem inter suos,
quibus carne frater est, & fide applicatus, dividat. Nu-
mer. 34. Et 4. lib. Regum capit. 6. haud inelegans fa-
ctum legimus : Vbi obscurè indicatur Christi descensus
in carne. Accidit apud Iordanem, cum filii multi Prophetæ
rui cederent ligna, ad ædificationem Synagogæ, ferrum secu-
ris in fluvium cecidit : homo ille, cuius erat ferrum, adveni-
entem Elizeum Prophetam advocavit, ut sibi, monstrato
loco, ferrum restitueret. Prophetæ præcidit lignum, et emi-
sit illud, et ferrum natavit, et, protensa manu, tolle ferrum,
ait Prophetæ : Ita Christus ad inferiores partes terræ de-
missus, & postea, protensa DEI patris manu elevatus est,
& à Deo patre ordinatus, tanquam instrumentum ac me-
dium salutis nostræ, imò efficiens causa et caput, per quod,

¶

Et cum quo verum Dei templum edificatur, in quo Deus optimus maximus vult habitare, quod vale sunt homines. De hac eadem re insigne extat colloquium apud Zachariam 4. Vbi ita inquit: Ecce vir ascendens super equum rufum, et ipse stabat inter Myrteta, quod erant in abyssu, et post eum multi alii varii coloris venerunt. Angelum interrogavi, quid sint isti? Respondens dixit: Quid hæc sunt, tibi dicam, et quis ille est, qui inter Myrteta stabat; isti sunt, quos Deus miserat, ut terram perambulent. Item, apud Esaiam 55. dicitur Myrtum pro vrtica crescere, et Dominus erit signum perpetuum, quod non auferetur. Audiemus quoque attentè sacrificiorum genera, quod extant in libris Moisis, in quibus figuræ de incarnatione Christi, etiam si obscure, illustres habentur. In primis primogenitorum conditiones congruenter incarnationis Christi exhibitioni respondent, ut Deuteronomii cap. 15. Quemadmodum pia antiquitas hæc et multa alia iuxta sensum scripturæ allegoricum interpretatur: quâ ratione Christus sapissimè primogenitus secundum utramque naturam orthodoxè appellatur. Samsonis etiam natiuitas pulcherrimè, simul et educationis modus, Christi natiuitatis typus erat, ut legere est Iudic. 13. de uxore Manuæ, quod licet naturâ sterilis erat: tamen post colloquium cum angelo concepit et peperit filium: quem conceptum multi scriptores fuisse autumant præter communem procreandi cursum. Et ex veteri quoque testamento pro typo Christi habebantur il-

B

li,

li, qvi commune nomen cum Christo sortiti sunt: & id non
solum, qvia cognomines Christo erant; Sed qvia multa mi-
racula ac facta stupenda virtute Christi faciebant. Pro-
pria enim virtute aut propter inane illud nomen parum aut
nihil à reliquis hominibus differebant: sed in eorum factis
voluit Deus omnipotens sui filii in carne venturi figuram
existere. Hoc eleganter notatur 4. Reg. 9. De Iehu filio
Iosaphat, qvi rex erat vnctus ad domum Achab delen-
dam, iniquitatis plenissimam: hic figuram Christi, in ple-
nitudine temporis incarnandi, atq; in Regem vngendi ad
evertendam, & funditus exstirpandam domum Sathane,
gerebat. Quæ hætenus dicta sunt, fortasse obscuriora in-
tellectui nostro videri possunt. Audiemus itaq; sententias
scripturæ clariiores, quæ superioribus quodammodo lucem
clariorem adferant. Testimonium minimè obscurum Ge-
nes. 3. habetur de nativitate Christi in carne. Dicit enim
scriptura, semen mulieris contritum fore caput serpentis.
Id ipsum, verbis tamen mutatis, alia vè loquendi formulâ,
Deuter. 18. repetitur, vbi ait Moyses: Suscitabo in medio
fratrum tuorum similem tui, & ponam verba mea in ore
ejus, & loquetur omnia, quæ præcipio illi. Nisi tædiosum
esset tantam dictorum congeriem adducere, huic rei majus
lumen adderet dictum illud; 1. Reg. 2. Sed quia utilitas
tædium vicit, audiamus quod citato loco spiritus Dei di-
xit: Suscitabo pastorem fidelem, qvi omnia secundum cor
meum & animam meam faciet, & ædificabo illi domum,

¶

Et ipse ambulet coram Christo uncto meo semper.. Quæ
audivistis adeò clara sunt, certè luce meridianâ clariora, ut
nullam mereantur dubitationem, nisi malitiosè ab hæreticis
exposita fuerint. Esaias tamen 7. capit. imbecillitati no-
stræ consulens, rem propius accedit, imò, ac si digito nati-
vitatæ Christi circumstantias ante oculos positas demon-
stravit. Quo in loco vaticinari non videtur: sed potius
præsentia dicere, imò, non tantum dicere, sed digito osten-
dere incarnationem Christi jam jam præsentem esse; eâ,
fortassè, de causâ, quod in decreto Dei reipsâ temporis de-
terminatio esse debet; quoniam omnia illi præsentia sunt.
Ergo rectè incipit Esaias à particulâ præsentis temporis,
quando dixit: ECC E, virgo concipiet & pariet filium,
& vocabitur Emmanuel, id est, nobiscum Deus. Ab ad-
versariis sive hostibus hujus quæstionis, qui magno veri-
tatis odio inastuant, nobis objicitur, sed non satis pruden-
ter, cum dicunt, DEVM non posse à mortalibus videri.
Exod. 33. At inquirunt, Christus videbatur, palpabatur,
quando nobiscum versabatur in terris. Ergo verè Deus,
juxta dictum Moisis, dici non potest: & incarnatio atq.
nativitas idipsum testantur. Ad hoc, quod inde obji-
citur nobis, respondebimus, filium DEI suâ essentiâ
divinâ invisibilem esse; at per incarnationis mysterium
factum esse sui patris imaginem visibilem et aspectabilem,
atq. etiam corporaliter nobiscum in terris versatum esse.
De hac Dei visibilitate dixit Baruch spiritu Prophetico

plenus capit. 3. Deus visus est in terris, & conversatus est cum hominibus: qvo dicto Propheta prædixit incarnationem Christi. Aliud in Ieremiâ capit. 44. legitur de porta clausa, per quam nemo virorum intravit, sed solus Dominus per eam intravit. Qvo dicto Propheta, etsi obscure, significavit nativitatem Christi futuram, matris virginitate intactâ. Cujus miraculosi Christi ortus, etiam apud gentiles multa vaticinia seu oracula apparuerunt. Etiam si illi verbum Dei tam clarè, atq. Dei populus in Iudæâ viuentes, non habuerunt: Deus tamen singulari suâ clementiâ sui filii prodigiosam nativitatem totius mundi angulis manifestam fore voluit. Quemadmodum de Cesare Augusto à multis narratur: Qvòd cum ejus imperium valde amplum atq. splendidum esset, oraculum sollicitè interrogavit, qvisnam sibi in regnum succederet Caesar? Oraculum respondit: PVER HEBRÆVS nascetur, qvi totius mundi imperio potietur. Tale qvid recitat Nicephorus lib. 14. cap. 46. Caesar enim Theodosius, & Patriarcha Proclus Olim dolore vix consolabili opprimebantur ob terræmotum. Eodem tempore puer erat, qvi divinâ vi ad cælestem vsq. tractum sublatus est, ubi divinam vocem audivit, & angelos Deum summum laudibus celebrantes: Quibus auditis, eâdem viâ ad ipsos reversus est, atq. illis renunciavit, qvæ in cælo audivit, qvæ ita sonant: SANCTVS DEVS, SANCTVS FORTIS, SANCTVS IMMORTALIS MISERE
RE

RE NOSTRI. Hac visione, de puero ascendente
 & descendente, significatur Christi descensus in carne, &
 ascensus in gloriâ. Hujusmodi, quæ sunt vera præludia
 incarnationis Christi, brevitatis causâ relinquo. Iccirco
 talium recitatione supersedere commodius fore duco, quàm
 vos prolixitatis tædio afficere. Sed aliquot argumenta &
 miracula recitare decrevi, quæ facta sunt eo tempore, quo
 Christus natus est. Hæc multum ad probandum Christi
 nativitatem faciunt. Hinc nativitatem Christi miracula
 multa comitata sunt. Primò, quod verbum, id est, λόγος
 Dei, conceptum est in virgine sanctâ, ut Cyrus Panapros-
 lites Poëta inquit apud Nicephorum. Quare Christus
 natus est in mundum naturalis homo? Hujus rei causæ
 extant multiplices in sacris literis. De hisce enim ita lo-
 quitur Esaias cap. 7. Ecce virgo concipiet & pariet fili-
 um, et vocabitur Emmanuel. Et Baruch 3. cap. dicit: Ho-
 mo est, quis cognovit eum. Et Moises Numer. 24. Orie-
 tur stella ex Jacob, & exurget homo ex Israël. Inveniun-
 tur etiam multe sententiæ apud Ethnicos, quibus & nos
 credamus, quòd Ethnici acumine ingenii potuerunt co-
 gnoscere tale miraculum: Ut Milesius Apollo interroga-
 tus de Christo, an nudus homo, an Deus esset? Ita re-
 spondit:

Θνητὸς ἐνὶ κατὰ σάρκα, σοφὸς τεράϊωδεβιρ ἔργοις.
 Ἀλλ' ὑπὸ χαλδαίων κατὰ ἔπλοισι συναλωθεύς.
 Γόμοις καὶ βολέεσσι πικρὴν ἀνέτλησε τελευτήν.

B 3

Ita

Ita Latine redditi sonant :

*Carne quidem mortalis erat, sapiensq. stupendis
Factis, iudicibus Chaldaeis cuspide vinctus,
Clavis in palo crudelia funera passus.*

*Si haec verba altius consideraverimus, cum verbis
Lucæ in actis Apostolorum capit. 2. pulchrè conveniunt :
Vir quidam missus erat à Deo, miraculis & prodigiis po-
tens, &c. Multo quoque tempore mulieres quædam vixe-
runt ante natum Christum, quæ vulgò Sybillæ vocan-
tur ; ex iis una pulcherrimè de Christo tali carmine vati-
cinata fuit :*

*Ἄνθος δ' αἰθέρος, καθαρόν, λευκὸν δὲ πάντα. Hoc est:
Flos autem purus florebit, cuncta serenans.*

*Hasce autem omnes circumstantias si altiore animo
perpenderimus, quæ non solum nativitatem Christi præ-
cesserunt, Verùm etiam quæ cum ea conjunctæ sunt ; sanè
adeo admiranda est, ut nullum miraculum, si ve in cælo, si-
ve in terrâ, cum eâ conferri vlllo modo possit. Scriptores
septem mundi miracula excogitarunt : Verùm, si confe-
rantur cum mysteriali incarnationis ac nativitatæ mira-
culo, vix miraculi nomen merentur. Super hoc enim an-
geli, naturâ cælestes, magnâ sapientiâ præditi, multum mi-
rabantur, certè præ admiratione natalem Christi cantico
dulcissimo celebraverunt, quem pastores agentes excu-
bias super gregem suum, non sine magna læticia docue-
runt, quando audiebatur : Gloria in excelsis Deo, in ter-
râ*

ra pax, hominibus bona voluntas. Talia ac tanta nati-
vitat^{is} Christi praeludia, seu signa certissima, non solum in
Ecclesia Christi, ubi tum temporis vox divina floruit, vi-
sa sunt, iuxta vaticinia Prophetarum in scripturis: Sed
etiam in Ethnicismo seu gentilismo nonnulla conspicieban-
tur, quæ de ejus ortu exposita sunt. In sacris literis Iacob
ille Patriarcha suis posteris tale signum reliquit; quan-
do nimirum sceptrum ablatum esset à Iuda, tum demum
Siloh veniret. Huic vaticinio eventus ipso natiuitatis
Christi tempore optimè respondebat: cum enim nascebatur
Christus, gens Iudaica tenebatur sub magistratu Ethnico,
& cogebatur censi. Quo signo verè ostensum est, Siloh,
hoc est, Messiam in carne jam præsentem esse, qui totum
liberaret mundum ab isto jure seu onere, quod in eum ha-
buit Sathan; cujus figuram illa civilis exactio seu censura,
sub Ethnico seu alieno magistratu peracta, gerebat. An
non mirandum nobis videri debeat, quod Christus suæ car-
nis ortu veram pacem toti mundo attulit, & inimicitias
Sathane destruxit? Quapropter rectè ab Esaia dicitur de-
belasse Damascus civitatem illam magnam, quæ figura-
liter dicitur infernus. Porro si liceat extra terminos Iu-
deæ, cui potissimum Messias promissus videbatur, dispa-
ciari, certè singulare signum, (quod minimè silentio præ-
tereundum est,) pacis, quam attulit natiuitatis Christi ad-
ventus, nostra communis patria tunc temporis vidit. Eo
enim tempore regem habuit Dania nomine Frotonem,

in

in hisce regnis ac insulis rerum valde feliciter potiuntem,
cujus tanta erat & autoritas & majestas, vt etiam aurum
rapinis expositum, perinde, ac si in custodia firmissima ser-
uatum tueretur. Huius rei ingentem Daniæ claritatem
fidelitas concitauit. Per idem tempus publicæ salutis au-
tor mundum ingrediens, seruandorum mortalium gratiâ,
mortalitatis habitum indutus est. Cum iam terræ vbiq; lo-
corum, bellorum incendiis sopitis, sereno tranquillitatis ocio
fruerentur: creditum est tam perfusæ pacis amplitudinem
æqualem, vllis orbis angulis interclusam seu interruptam,
non adeò terreno principatui, quàm ortui diuino famula-
tam fuisse: cælitusq; gestum, vt inusitatum temporis bene-
ficio omnis temporis autorem præsentem esse testaretur.
Christi natiuitas, vt hinc liquet, omnibus mundi partibus
innotuit, etiamsi in Iudæa, tanquam in totius mundi ha-
bitabilis vmbilico, facta est. Nam illa insveta natiuitas,
non solum Daniæ incolis ornata gratiæ pacis insignio: ve-
rum etiam omnibus vndiq; mundi partibus illius miraculi
splendor illuxit. Quod perfectò ex historia Magorum fa-
cile intelligi potest, qui ex oriente Ierusalem ductu novæ
stellæ venerunt, quæ statim post natum Christum appa-
ruit, quæ historiam Matth. cap. 2. copiosè tractat. Hæc
nova stella, quæ ipsis in locis à Iudæa remotissimis visa
est, signum erat natiuitatis Christi, quæ Deus voluit
per totum orbem quibusdam signis divulgandam. In cæ-
lo quoq; nec defuerunt præcones natalitiorum Christi, quæ
libro

librorum divinorum voluminibus satis perspicue sunt con-
signata, de eo testimonium perhibentes, imò comprobantes:
quòd is iam præstò sit, què omnes in veteri testamento tam
anxiè, tam desiderabiliter, usq; adeò inenarrabili quodam
cordis affectu expectarunt. Quis non dignè laudet tam
inconsolabilem ferè cordis appetitum, in piis præsertim ho-
minibus, qui non ut regem secularem expectarunt, cuius
imperium certo & brevi quodam tempore duraret: Sed
eum, cuius imperii non erit finis, & eum, qui non solum à
periculis corporis tueretur subditos suos: Sed qui à male-
dictione legis, ab æterna morte, à Diaboli tyrannide, &
(ut vno verbo plurima dicam) ab omnibus hostibus, tam
corporalibus, quàm spiritualibus, liberaret. Hunc itaq;
regem veteris testamenti populus, qui veræ fidei oculis
respexerunt ad Christum nasciturum, cœlitus sibi dari cu-
piebant, ut Propheta testatur: Disrumpe cœlos tuos &
descende. De perpetua itaq; regni ejus duratione pluri-
ma scripturæ dicta testantur. Ex iis, ut reliqua omittam,
vnum apud Esaiam capit. 9. proponam, ubi Propheta re-
gni Christi facit mentionem, vocans eum pacis princi-
pem, & dicens regni ejus non esse finem, atq; eum su-
per solium David, & regnum ejus regnaturum usq; in
sempiternum. Ex hisce & aliis dictis, quæ concionantur
de nativitate Christi ejusq; usu, cognitio de futura libera-
tione nascetur, quam in miseriarum solatium fideles usur-
pare semper debeant. Ex virgine ergò natum esse creda-
mus,

mus, qvò verus Abraham ac Davidis filius agnoscì possit,
qvi in lege & Prophetis toti mundo promissus erat. Vnde
fides nostra geminum fructum habebit. Primò, videmus
filium Dei esse præsentem, assumtâ carne, per conceptum
humanitatis ad salutem hominis peragendam; & nos, in
itâ communionem nobiscum, ad societatem sui corporis atq;
omnium bonorum, credentes recepisse. Hæc, qvæ hæcenus
diximus, collata cum sacrorum librorum monumentis, te-
stabitur, qvò hæc persona, recens in mundum nata,
diabolum & imperium mortis debellatura sit; nostram car-
nem induit, vt diabolum suam natiuitatem celaret, vt in
nostra carne hostes omnes nostrâ vice vinceret, ac super
eos triumpharet. Hinc factum est, vt ejus victoria &
triumphus noster fieret. Ejus originis series ducta est ab
Abraham ac David ad Christum, vt inde confirmari pos-
sit, eum esse illum, qvem oracula multa in lege & Prophe-
tis ex Abraham ac David lumbis nasciturum antè pro-
mittebant. Simul etiam Christi conceptionem & natiui-
tatem oportuit esse multum miraculosam et claram: Pur-
garet enim multos ex peccatorum sordibus; idq;, vt sit
analogia inter Christi natiuitatem, qvæ facta ex pura
Virgine, sine virili semine; & inter nostram spiritualem
regenerationem, qvæ non fit ex sanguine, neq; ex carnis
libidine, neq; ex libidine viri, sed ex Deo, ut ait Iohan-
nes. Habemus præterea hunc vsum, qvando oculis cer-
nimus nos præsentibus destitui: in mentem revocabimus
nata-

natalem Christi miseriarum plenissimum; quod etiam si, ut murice & bysso involveretur, dignus erat, atque ut cunis inauratis reclinaret, & ut in domibus picturatis ei hospitium pateret: In stabulo tamen inter jumenta bruta, involutus feno jacuit. Hoc totum factum est, ut Christus sub tali paupertatis jugo nasceretur, ut si nos undique inopia premeret, paupertas Christi consolari nos debeat, nimirum, ut sciamus ipsum ideo pauperem natum esse, ut nos suam natiuitate diuites faceret. Deinde significatum est, natiuitatem Christi ex hoc mundo non esse; Ideo nullum principium vel speciem regni mundani tempore natiuitatis ostendere voluit, Sicuti Iohan. cap. 18. ait: Regnum meum non est ex hoc mundo. Idem de ipsius regni conditione Esa. 9. vaticinatus est, dicens: Multiplicabitur imperium ejus, & pacis non erit finis. Secundam causam, quare in tanta calamitate Christus nasci voluit, ponit Paulus 2. Corinth. 8. Scitis, inquit, gratiam Domini nostri Iesu Christi; Quoniam propter nos egenus factus est, cum esset dives: Ut illius inopiam vos diuites essetis. Et ideo quodque inops in lucem secundum carnem editus est, ut sua inopia omnibus modis totius mundi superbiam & abundantiam vituperaret. Dum impii cristas erigunt, & potando, & edendo, vivendoque splendide; Christus cali & terrae conditor tam pauper & calamitosus factus est, ut non habuerit, quod caput inclinaret; Quemadmodum ipse Christus apud Evangelistam testatur. Si quidem varia argumenta, pro ingenii

mei tenuitate allata, vestra humanitas audiuit, quibus evidenter & clare probavimus, Christum verè hominem natum esse ex Mariâ virgine, sine virili semine; Quæ non adduximus ex fontibus Philosophiæ; Sed ex sacris literis, quæ facile refutari non possunt, nisi aliquis velit omnia Prophetarum oracula labefactare, atque manifestè veritati vim inferre: Ex iis itaque certò credamus, ipsum esse verum mundi Messiam, in plenitudine temporis natum atque in carne exhibitum, atque magnam inde nos utilitatem nactos esse; Quæ omnia Esaias paucissimis verbis cap. 9. complexus est, inquam: Nobis puer natus & datus est; ut ipse puer nos regni cœlestis, per incarnationis beneficium comparati, participes redderet. Quod ipsum ut nobis largiatur Deus Opt: Max: per eundem puerum, recens nobis natum, in omnem seculorum perennitatem summo laudum præconio extollendum, supplici corde exoptamus, Amen.

D I X I.



Do tibi, Doctissime ac humanissime Dñe Georgi, orationem hanc, mihi ante aliquot dies ab autore Jno. Silio Episcopi Fionia, datam.

206.